



Broj: 13-01/2-05-1722-1/17
Sarajevo, 27.11.2017. godine

 **KANTON SARAJEVO**
SKUPŠTINA KANTONA SARAJEVO
SLUŽBA ZA SKUPŠTINSKE POSLOVE

VLADA KANTONA SARAJEVO
STRUČNA SLUŽBA VLADE

PREDMET: Odgovor na zastupničko pitanje, zastupnice Bibije Kerle, dostavlja se, -

U skladu sa članom 219. Poslovnika Skupštine Kantona Sarajevo ("Službene novine Kantona Sarajevo", br.41/12, 15/13, 47/13, 47/15 i 48/16), Ministarstvo za rad, socijalnu politiku, raseljena lica i izbjeglice Kantona Sarajevo daje odgovor na zastupničko pitanje, zastupnice Bibije Kerle, postavljeno na 34. Radnoj sjednici Skupštine Kantona Sarajevo, održanoj dana 31.10. 2017. godine, citat: „Tražim od Kabineta premijera Kantona, Kabineta predsjedavajuće i zamjenika predsjedavajuće Skupštine i svih ministarstava Kantona da mi odgovore da li u ovom mandatu imaju osobe angažovane izvan sistema državne službe, na privremenim ugovorima o djelu ili radu. Tražim da dostave ugovore iz kojih se vidi opis poslova koje rade, te izvještaji o urađenom. Tražim izjašnjenje svakog organa koji ih ima o pravnoj osnovi za takve ugovore, obzirom da su izvan Zakona o državnoj službi, Zakona o namještenicima, Zakona o radno-pravnom statusu poslanika, Zakona o radno – pravnom statusu članova Vlade i Zakona o platama. Posebno tražim od svakog ministarstva da navede da li su i koje od ovih osoba nakon toga zaposlene na stalno radno mjesto. Tražim očitovanje Pravobranilaštva da li smatraju da je ovim ugovorima prekršen zakon i nanesena šteta Kantonu Sarajevo, te da li su poduzeli aktivnosti na zaštiti zakonitosti.”

U mandatu ministrice za rad, socijalnu politiku, raseljena lica i izbjeglice Kantona Sarajevo, Amele Dautbegović, u periodu od 24.11.2015. godine, do 31.10.2017. godine, na poslovima koji nisu sistematizovani pravilnikom o unutrašnjoj organizaciji ministarstva, angažovani su honorarni radnici, na osnovu ugovora o djelu i to na sljedećim poslovima:

1. Fizička zaštita imovine – stambeno naselje Gladno polje, ul. Plantaže bb, Općina Ilidža (devet stambenih objekata sa po četiri stambene jedinice)
 - a) 01.12.2015. - 31.01.2017. godine – 4 osobe;
 - b) 01.02.2017. - 31.08.2017. godine – 2 osobe;
 - c) 01.09.2017. - 30.09.2017. godine – 4 osobe (parcijalno od 01.09. - 30.09.; 12.09.-30.09.; 13.09. - 30.09.; 16.09.- 30.09.2017.);
 - d) 01.10.2017. - i dalje, - 4 osobe

U konkretnom slučaju, radi se o nelegalizovanim objektima na zemljištu za koje se vodi sudski postupak radi utvrđivanja prava vlasništva. Predmetne objekte izgradio je Kanton Sarajevo, ali nikad nije proveden postupak legalizacije. Zbog činjenice da objekti nemaju upotrebnu dozvolu, ne vrši se ni useljenje niti smještaj porodica u stanju socijalne potrebe. Kako bi se zaštitila imovina Kantona i spriječilo bespravno useljenje u objekte, od 01.09.2012. godine, pa sve do januara 2013. godine za usluge fizičke zaštite predmetnih objekata. ministarstvo je plaćalo uslugu “Nova Gama

Security” d.o.o. u iznosu više od 5.000,00 KM, mjesečno. Od februara 2013. godine do danas, fizička zaštita ovih objekata vrši se na osnovu ugovora o djelu, što se po Budžet Kantona Sarajevo pokazalo ekonomičnije.

2. Analiza strateških dokumenata iz oblasti rada, socijalne politike i rad u radnoj grupi za unaprjeđenje uplate komunalnih potraživanja.

a) 01.05.2016. - 31.08.2016. godine – 1 osoba.

3. Prikupljanje podataka o socijalno ugroženim kategorijama stanovništva u smislu stambenog zbrinjavanja kroz sociostanogradnju po principu socijalnog stanovanja, pripremu i vođenje evidencije o korisnicima socijalnog stambenog fonda, te pripremu i izradu plana povećanja socijalnog stambenog fonda kroz sociostanogradnju, direktno i u saradnji sa općinama Kantona Sarajevo, drugim nivoima vlasti i humanitarnim organizacijama

a) 15.06.2016. - 15.06.2017. godine – 1 osoba

4. Analiza pravnog i institucionalnog okvira u Kantonu Sarajevo u svrhu smanjivanja siromaštva i socijalne isključenosti u Kantonu Sarajevo, Rješenje Vlade Kantona Sarajevo broj 02.05-10130-18/17 od 16.03.2017. godine:

a) 16.03.2017. - 16.07.2017. godine – 7 osoba;

b) 13.03.2017. - 14.07.2017. godine – 1 osoba;

5. Analiza, obrada, priprema i izrada odgovora na sudsku mjeru osiguranja i odgovora na tužbu u predmetu broj 13-08-24027 po aktu Pravobranilaštva Kantona Sarajevo broj P-129/17 od 14.07.2017. godine

a) 15.07.2017. - 10.08.2017. godine, – 1 osoba;

6. Pripremanje, organizovanje, vođenje i koordinacija svih aktivnosti sa vladinim i nevladinim organizacijama koje učestvuju u provedbi Programa obilježavanja “Dječije nedjelje” u Kantonu Sarajevo za 2017. godinu; razvijanje programa usmjerenih na inkluziju osoba sa invaliditetom utvrđenih politikama za oblast osoba sa invaliditetom, sa akcentom na djecu sa posebnim potrebama i podršku njihovim porodicama kroz razvoj socijalnih usluga.

a) 01.08.2017. - 30.09.2017. godine, - 1 osoba;

7. Aktivnosti vezane za realizaciju Programa obilježavanja “Dječije nedjelje” u Kantonu Sarajevo, a koje podrazumijevaju stalnu komunikaciju sa Press službom Kantona Sarajevo i Službom za protokol Kantona Sarajevo vezano za otvaranje i zatvaranje “Dječije nedjelje”, svakodnevno prisustvo značajnim manifestacijama programa, stalna koordinacija sa realizatorima manifestacije, te podnošenje izvještaja o provedenom Programu “Dječije nedjelje” u Kantonu Sarajevo za 2017. godinu, prisustvovanje sastanku sa predstavnicima CPRC vezano za nastavak aktivnosti vezan za implementaciju Akcionog plana na suzbijanju maloljetničkog prijestupništva, zakazanom za 10.10.2017. godine; prisustvovanje jednodnevnoj radionici na temu “Multisektorska saradnja u suzbijanju porodičnog nasilja – razmjena iskustava Velike Britanije i zemalja Zapadnog Balkana u organizaciji FDL, zakazanom za dan 13.10.2017. godine; prisustvovanje okruglom stolu povodom obilježavanja Dana bijelog štapa u organizaciji Udruženja slijepih i slabovidnih Kantona Sarajevo, na temu “Dosljednom implementacijom Konvencije o pravima osoba sa invaliditetom unaprijediti prava i položaj slijepih osoba u Kantonu Sarajevo”, zakazanom za 16.10.2017. godine; angažiranje na psolovima iznalaženja poslovnog prostora u svrhu stavljanja u funkciju prodavnice u kome bi svoje proizvode prezentirale i prodavale osobe sa invaliditetom u Kantonu Sarajevo; poslovi na izradi Akcionog plana za mlade u Kantonu Sarajevo vezano za postavljanje ciljeva ministarstva po pitanju mladih; poslovi na izradi Informacije o stanju zapošljavanja osoba sa invaliditetom koje ostaruju pravo na novčanu naknadu za vrijeme čekanja na zaposlenje u 2016. godini; učestvovanje u pripremi i organizaciji radne večere na kojoj je prezentovan Akcioni plan za unaprijeđenje položaja osoba sa invaliditetom u Kantonu Sarajevo 2018.- 2021; drugi poslovi po nalogu Naručioaca.

a) 01.10.2017. - 31.10.2017. godine, - 1 osoba

8. Analiza primjene Zakona o zaštiti ličnih podataka i drugih relevantnih propisa u Ministarstvu za rad, socijalnu politiku, raseljena lica i izbjeglice Kantona Sarajevo, izrada podzakonskih akata iz ove oblasti, izrada registra zbirki ličnih podataka koji se vode u Ministarstvu; administrativni poslovi za Mirovno vijeće za područje Kantona Sarajevo, kao i drugi poslovi po potrebi Naručioca posla.

a) 20.08.2017. godine – i dalje, – 1 osoba;

9. Izrada Akcionog plana reforme i razvoja sistema socijalne zaštite u Kantonu Sarajevo 2018 – 2020., po Rješenju Vlade Kantona Sarajevo broj: 02-05-30402-24/17 od 12.10.2017. godine.

a) 12.10. 2017. godine – i dalje, - 5 osoba.

10. Radni odnos na određeno vrijeme, zamjena za duže odsutne državne službenike

a) 15.06. - 20.08. 2017. godine, na radnom mjestu “stručni savjetnik za aktivnu politiku zapošljavanja”

b) 21.08. - 14.09.2017. godine, na radnom mjestu “stručni savjetnik za analitiku i praćenje međunarodnih dokumenata i nacionalnog zakonodavstva”

c) 18.09. - do povratka duže odsutnog državnog službenika, a najduže do 15.12.2017. godine, na radnom mjestu “šef Odjeljenja za raseljena lica, povratak o repatrijaciju”.

Pravni osnov za angažman na osnovu ugovora o djelu sadržan je u odredbi člana 600. Zakona o obligacionim odnosima, pri čemu se izvršilac obavezuje da obavi određeni posao – intelektualni rad, dok je radni odnos na određeno vrijeme, reguliran odredbom člana 47. Zakona o državnoj službi u Kantonu Sarajevo (“Službene novine Kantona Sarajevo” broj 31/16).

Na osnovu prethodno pribavljene saglasnosti Vlade Kantona Sarajevo, jedna angažovana osoba je u skladu sa odredbom člana 31. Zakona o državnoj službi u Kantonu Sarajevo (“Službene novine Kantona Sarajevo” broj 31/16), preuzeta od drugog organa državne službe u Bosni i Hercegovini, putem sporazuma i zaposlena na neodređeno vrijeme u statusu državnog službenika.

S poštovanjem,

Prilog:

-ugovori o djelu sa izvještajima,

-Rješenja Ministarstva za rad, socijalnu politiku, raseljena lica i izbjeglice Kantona Sarajevo, broj 13-01-34-6-9 od 15.06.2017. godine; broj 13-01-34-6-8 od 21.08.2017. godine; broj 13-01-34-6-9 od 18.09.2017. godine

Pripremila: Belma Trajkov, sekretarka ministarstva




MINISTRICA

Alicia Dautbegović

Dostaviti:

1. Naslovu,
2. a/a.



web: <http://mrsri.ks.gov.ba>

e-mail: mrsri@mrsri.ks.gov.ba

Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1

